

梅溪先生文集

前集五十一



梅先生文集卷第五

詩

壬申中秋交朋解嚴不期而會者鄭生避志夏
生伯虎因小飲觀月二子各以詩贈依韻酬之

鄭生襟宇絕纖埃夏子心希好學四難違吾人未破顏
可飲良夜不獨杯從來月單中秋見那更尊無俗子陪
遠指控技因贊客文星近歲屬溫台附士言文星近歲
正德溫台歸台人夏溫人

猶勝太白號三人又免韓公爾衆故博有壹歸非獨酌
共將文字作清醪天高雲散金餅風清淡涼散盡文
却恨鍾情未能遣愁腸幾夜雨

書小成室

萬言在木先惡寒凍瘧瘧五夜長骨肉未如毒李子
野園雜教馬黃王為人心盡同毛穎與世交
蘇東坡山可無非蕭然一室任便涼

五五丙

為見孟丙年四歲從謝任之發蒙六歲從周義取能
書東坡孝經論及五言詩書院游後近百人無能道
其姓第名字或能優劣品藻之於所親之前子每說
書則與二兄侍立其側會茶與舉故事在祥竟中想
為丁了者年才七歲而死紹興壬申實五月二十四
日也我輩鍾情痛不自己為教詩以哭之

三歲甜酸學語兒能來壁下看題詩當時戲發十年問

添我無窮今日悲子戌辰年題西軒壁則始三歲子研

之曰汝十年後能詩乎應曰能二子顏子而笑因記之

壬申六月二十四日觀舊題時五丙死已一月矣子書

有和韓詩云學語二歲兒蕭瑟楊雄宅一區不堪老境失童烏數莖鬚似經霜葉

笑味生甜酸蓋謂孟丙也為汝鍾情一夜枯

簾外飛飛燕哺雛道傍兒戲聚游魚老人含淚坐書几

不見吾兒已月餘

偃蹇衰翁四十餘梅花溪上結茅廬窓明几淨還如舊

不見兒來覓紙書

偶作吾兒真夢寐暫來人世誤婁羅雖然修短由天命

致汝無辜我罪多

七年嬌婉尉衰翁回首追思一夢中與汝夙緣如未斷
重來當似顧非熊

家童拾栗因念亡兒作數語以寫鍾情之悲

去年覓栗嫌汝痴責汝曾賦淵明詩今年栗熟不汝見
淒然白骨埋荒陂西風瑟瑟黃葉飛家僮拾栗門前歸
汝兄汝妹爭來取汝父傷心淚如雨

林知常惠白酒六尊仍示酒法作十韻謝之

老去生涯付盃酒種秫辛勤三百畝東臯遺法嗟失傳
蜜汁釐漿不通口邇來軟飽經月無豈有清歡對朋友
百錢強就村媪醉終夜疏腸作雷吼先生祇把文字耕

妙意能施杜康手憐我新愁餘萬斛那更澆腸無五斗
分惠青州六從事祕法兼蒙傳肘後便同北海歌不空
免似東坡歎烏有嗟予偃蹇老更饕感激故人情意厚
會須續遣白衣來籬畔黃花欲重九

九日飲酒會趣堂者十九人老者與焉既醒念
不可以無詩因用贈林知常韻示諸友

我似楊雄貧嗜酒筆作耕犁紙為畝辛勤耕植三十年
往往糟醕罕濡口今年九日甕盎空誰饌先生荷諸友
衰顏迎醉生嫩紅饒腹隨食失飢吼菊花不上老人頭
酒盞聊傳此時手文字飲韓嘉數子禮法拘髡惟一斗
衰翁興盡輒先歸不待盃盤狼籍後坐客高歌驚四隣

吾鄉已在無何有明朝黃花亦不惡俗眼無端自踈厚
酒醒聊記坐中人有似平原九十九

陳元佐和詩贈以前韻

無功懶仕由堪酒故向東臯事田畝自慚耕稼非老農
歲入何曾給糊口通功易事媿無術謾開書齋會鄉友
出技慙如鼯鼠窮說法強為師子吼交游漸覺不在眼
老拙自知當縮手陳生慷慨真可人文似良金鑿如斗
論交何止十年前耐久遙期十年後把酒鼓動問黃菊
十年故舊寧多有士窮要使節義敦不見韓公稱子厚
北窓捉筆書惡詩醉中戲贈陳三九

周仲翔和詩贈以前韻

與子十年同把酒貧賤未能離隴畝今年依舊對黃花
會意何由咲開口老來鍾愛有三兒邇歲從師得吾友
祝嘏方擬為羸飛舐犢俄驚作牛吼幼兒已作一覺夢
大匠徒施兩年手乙子沉疴賴營牧再生豈止由南斗
嗟予屯厄世所棄急難誰肯相先後論交最喜子善終
報德深慚我無有猶憐甲乙二孺子莫景於渠意加厚
煩君為我嚴誨之母惜鞭笞九十九

陳獻可宋孝先萬孝傑夏伯虎和詩復用前韻

準擬重陽會詩酒手種菊花九數畝佳節相逢俱可人
一篇草堪適口揚庭醞藉更清新陳晉宋間人顏謝
友舜卿詞源浩萬斛宋下筆驚人風雨吼李梁蕭西詩

如人飄然自是風騷手萬用之年少富文墨夏日出珠
璣不論斗誠叔思深希仲逸齊驅未識誰先後老朽那
能敵年少胸中空洞嗟無有張我三軍得教子造物遺
子非不厚明年秋戰豈無人雲夢定須吞八九

九日把酒十九人和詩者數人而已今已後期
不復追索許以來年九日還用前韻發一嘆

勸君須飲文字酒勸君耕耨心中畝飲非文字猶聚蚊
心田不耕棘生口登高佳節豈易得况此相逢皆勝友
談傾坐上冰玉清興生筆下波濤吼我亦逢場聊戲劇
韻語殊非三昧手試投瓦礫已成堆辱報驪珠未盈斗
和之者寡豈陽春高才料耻居王後嗟我窮愁無以遣

酒債詩篇行處有與茲飲會類平原逃我詩盟幾高厚
如今並許隔年還直須日月逢重九

宋孝先示讀自寬集復用前韻老去悲秋強自
寬少陵九日詩
也子老境失幼子達秋益悲凡所以強自寬者
一高於詩也每自中秋以前古律詩數十篇目

寬集

淵明酷愛尊中酒季子貧無負郭畝我生薄與二子同
俯仰人間亦緣口一室蕭然僅容膝毛穎陶泓自相友
會心終日雌聲讀排悶有時簾氣吼感秋詩集名自寬
雕琢更慙非妙手篇章不工如子固聲名敢望星之斗
宋生輒作過情語十韻殷勤為跋後譽之韓柳誰敢當
意古語奇吾豈有何如操牙時入室鍼我膏肓乃相厚

床頭周易深且神母惜從來論六九

再用前韻送^世并簡諸友

太白佯狂喜盃酒不飲豪氣恥求^取揮毫爛吐風月篇
濟世高談霸王口古人可作誰與歸白也吾師登可友
萬言窓下盃水冷百尺接頭鼻聲吼丈夫未遇聊爾耳
肯向權門思炙手淨掃一室安吾貧畫閱詩書夜星斗
休論生天與作佛靈運甘居丈人後吾儕慎分慕富貴
鳴鼓定須攻舟有但願相從文字樂交情合向窮中厚
倚看前席坐間人平步登瀛叅二九

鄭遜志胡叔成謝鵬劉敦信萬麻鄔一唯和詩
復用前韻

前日中秋一壺酒交朋解散歸南畝把盃邀月止三人
中有客來從谷口鄭首登詩壇出險語張我孤軍真畏
友重陽佳句更奇絕西風猛向松關吼中庸伯始遙
青胡頽然作賦吟詩手謝客篇章似春草分得家傳才
一斗謝句法天然自圓熟長慶詩豪今有後劉妙齡能
作老成語必大奇兒亦希有萬鄔郡太守司馬孫文與
其人兩溫厚鄔我與數子無薰蕕文相字從十常九
九日會飲予為唱首自和九數篇皆因事叙情
爾未作重九詩也今番和一篇每句用事而不
見姓名末聯外餘皆存對偶必有能和之者
獨坐東籬嘆無酒禮祿西禮花叢畔來白衣

桑落村中付饒口
江雨風俗
龍山宴集多佳友
靜聞彭澤三徑香
遙想蓋田
湖山順時習射馬嘶風
隨俗登山囊繫手
意恩塔冷舊衣冠
戲馬臺空古刀斗
三嗅馨香感禁中
細看茱萸
節後應制賦詩人
孰在
坐湖聯句今還有
明朝見花
已別此日登高
意宜後
日月並應節物
嘉獨恨今年無
閏九

九日寄昌齡弟

九日嘉節也予坐無聊中不能自遣又念昌齡弟不
在家為之悵然因誦唐王縉詩云遙知兄弟登高處
編揅茱萸少一人遂用其字為韻作十四絕并茱萸
酒以寄之

憶昔逢重九登臨不悵遙弟兄同把酒行樂興飄飄
去歲重九日吾親窀穸期東籬自黃菊淚眼可曾知
此日黃花酒深期酌弟兄誰知有離別西望不勝情
我有茱萸泝遙同輞川底登高少一人又是王家弟
嘉節苦難遇故山隨俗登未能如鄭谷一榻對高僧
白石登山客新詩句必豪寧容杜陵老獨步玉山高
我思鴈潭游欲與鴈行去羽翼本天生誰令分兩處
樂事苦無多良辰豈長見明年綴席時要使茱萸編
庭前有晚菊青藥未堪揅開日即重陽歸來酒同呷
載酒觴黃菊登山臂紫茱重修汝南事災厄自今無
老去悲秋甚興來聊自娛明年知健否子細看茱萸

窮途嗟我衰中歲傷身兄弟止三人尊前豈宜少
嗅菊謾勞三賜安得莫一聊分故園枝不負重陽日
節物豈不好吾家何太貧一尊聊爾寄重意媿死
萬叔永誕日在孟秋乃以重九開燕佚佳節也
予不獲與稱觴之列作詩以賀
種德尤勝實十郎靈椿未老桂先芳一門此去無疑大
五福他年未易量鳳穴生雛梧正碧龍山開宴菊初黃
吾鄉此會從來少恨不登堂舉壽觴

九月十二夜獨步梅溪詵月人迹悄然秋色滿
眼微風不動岩桂自香初不勞思偶得四句蓋
心境中靜時語也歸小成室對短燈檠索紙書

之

獨步溪頭夜初寂掃空塵念心清涼月明眼底見秋色
境靜鼻根聞桂香

前日寓邑偶值乍寒陳劉二生濟我以衣童生
濟我以衾既別為二詩以贈

肌体生鱗鬚毛衰年怯冷欲兒號無人來綻韓公襖
有友能施范叔袍入手乍驚儒袖濶披身尤喜義襟高
書生忍凍誰相顧共弊輕裘賴我曹

右贈陳元佐劉士宗

凜冽霜風夜薄人誰能暖我曲勾身寒欺三幅范衾陋
睡美一宵姜被新体粟不慈生旅舍鼻雷想見撼比隣

夢回却念君兄弟苦魂無眠痛慕親

右贈董備侃

萬先之生兩男作洗兒歌賀之

君不見徐卿二子生絕奇熊羆入夢非同時徒煩孔子
與釋氏兩回抱送麒麟兒又不見昔日梁羸亦雙乳生
止一男仍一女過期畢竟非其人未免終身亦妾圍養
惹佳氣克門問龍穴盛事從來無莫階良月吐三美蚌
腹甲夜生雙珠相對抱持翁媪喜眉目分明巧相似慈
顏戲語綵衣即汝子他年勝我子即君拜舞咲蒼翁翁
生六兒年豈同何如今日一卮酒手抱兩孫頭未童二
雖慶誕相先後未省如何分長幼商家尚質周尚文喚

取何休細推究慶門蘭玉行滿庭伯仲叔季雙命名他
時四乳類周士森森八桂同敷榮我忝通家同筆硯聞
君得子歡無間殷勤為作洗兒歌覓取金錢三百萬

黃府君挽詞

不雜高山綺與園生涯占得小桃源平生隱德知多少
跨竈說說已六孫
紛紛紛臂已成風一變誰能再世同野史他年書逸事
定須記此富家翁

揚州別駕知名士肝膽崔嵬百鍊剛誰謂公家有蘭玉

解令高選繼東床

劉黶識道

濟州人令樂清有政聲後

蓋髮如公自古稀定應含笑九原歸春風白石岩前路

忍見楊花作雪飛

予自乙丑冬如臨安赴補逮今凡五徃矣是行也痛慈親之不見傷幼兒之蚤死登途泣然因成是詩

八歲五行役茲行最感傷思親啼血淚憶子斷剛腸游遠有遺恨鍾情難遽忘離家兩夜夢長遶白岩旁

初擬過雁山既而取道烏石寄夢齡昌齡

不度丹芳七七盤非綠杖屨厭間關要留來歲高風便兄弟成行過此山

過白溪

朝離黃塘憩烏石莫宿青江過白溪嶺上回頭觀赤水

山川五色望中迷

過盤山宿旌郎

一嶺迢迢十里賒行人半日踏烟霞青山遮莫盤千匝歸夢何曾不到家

登皇華亭

不是四方銜命士偶來亭上賦皇華凭欄回首三百里烟水茫茫思故家

宿浮橋

落日丹丘下西江十里西浮橋通古道逆旌傍清溪夜靜水聲細曉陰山色迷吾鄉在何處天遠白雲低與鄭時飲登樓把酒書二絕

十里青山接郡城危樓四望眼添明海冥天瀾鄉心切
更聽飛飛鴻雁聲

登樓能賦非王粲沽酒忘形有鄭虔千里相從文字飲
不辭費盡杖頭錢

途中見早梅

山行初逢建子月始見寒梅第一枝遙想吾廬亦如此
誰能千里贈相思梅花發後思家切竹間水際出橫枝
暗香疎影和新月自是離情禁不得觸物那堪此時節
春前臘後定歸來要看溪上十株雪

乙丑冬西游觀南明石像作詩一絕至壬申十
月四日復往觀焉和前韻并書于佛閣

况戲團沙欲象真誰將碩力歷三塵八年來往蕭峰客
兩度來瞻百尺身

西征

紹興建元二十二良月壬午時丁未王家辭弟將帝祭
出門滿眼思親淚鵲鴿送我過原隍朋友携尊宿蕭寺
朝離黃塘惜分別莫宿青山嗟獨自初心滿發蔚雁山
行止非人輒乖異黃岩畱連越三宿故舊過從日沉醉
鄭生伴我千里行近世人無此風義皇華亭上一回首
陡覺有頭起鄉思西江十里浮橋邊把酒登樓一盡興
山行初逢建子月入眼梅花已春意前觀三度竟非舊
下視兩灘真可畏渡頭仙人還咲我髭鬚如棘嶺名利

欲入天台觀石橋行來匆匆未能遂途中邂逅
遊五十五年前樂清尉自嗟吾非沈謝輩面目從未苦
難記飛泉枕上夢成魔達旦思家何曾睡細雨濛濛入
閩嶺旅邸重尋舊題字雨脚微收過天姥洗出翠巒臺
蒼翠剡阮祠荒土猶赤溪山真是神仙地道旁石現小
金仙傳舍荒涼誰廢置柘溪竹染兒女痕石嶺松含藥
梁監路入南明觀石佛樓閣岩堯更深邃八年行役兩
來將岩上題詩記前事乘興剡溪尋故人久別相逢難
悲喜義風吹水送行舟越國江山滿瞻視十四歲孺孝
且烈三百里湖明更媚千巖競秀壑爭流終日貪看逐
遙寄西興渡口声如雷銀浪催鬼魄驚悸江神為我風

色平天關煌煌瞻象魏賢關訪舊話酸辛更食鹽豉舊
滋味學官欲以職事留自媿非才力辭避觀臺雲物端
可書官線初長日南至龍山觀舍觀大禮儀仗森然典
文備人臣貴盛古今無秦公父子俱為使景靈告謝樂
声回鷓鴣花枝修君賜西游連日觀天顏和氣亂盃散
憔悴歲云莫矣却歸來捉筆書為于校志

梅溪先生文集卷第六

詩

癸酉三月二十五日至剡溪旅舍觀曹夢良題
壁有撩我思家第一篇之句僕離家半月亦未
嘗作詩因次其韻

客舍那堪聞杜鵑夢魂驚斷竟無眠定知此境撩鄉思
我亦曾非第二篇

剡之市人以崇奉東嶽為名設盜跖以戕先聖
所不忍觀因書一絕

里巷無端戲大儒恨無司馬為行誅不知陳蔡當時厄
還似如今嵒縣無

周德遠植瑞香於窓前戲成一絕

主人貪睡為貪香花植窓前意味長見說有時魂夢裡
化為蝴蝶在花旁

游明心院

精舍停脩嶺道心隨眼明泉餘偃公迹經公山接剡溪
茶無雨竹亦淨有風松更清誰名上方閣撩我欲歸情

游圓超院登挾溪亭次盧公天驥韻

路入剡山腰風生玉川腋孤亭物外高雙溪眼中碧山
僧作亭知幾春賞音端怕逢詩人自從妙語發丘壑遂
使絕境多蹄輪我來首訪維摩詰問訊双溪自何出發

源應與發溪同賦物慙無沈郎筆凭欄欲洗名利塵入
眼翻驚客恨新山城重重水如帶可能挽住思鄉人

寄夢齡昌齡弟

老去生涯集百憂一身萍泛剡溪頭釣魚温水同侯喜
旅食新豐類馬周長缺有時思海味短檠終夜照離愁
也知四海皆兄弟能似天生羽翼不

高和叔生日

高標綽有魯王風天為勳門慶誕公揮塵咲談傾坐上
傳家韜畧蘊胸中暫從剡水高人隱行繼澗淵蓋世功
長願紅顏似今日壽尊鯨吸百川空

天子始締

盛德方居火天王始服錦薰風生殿早畏日到官蓬
雪羅初疊含風葛乍披汗寧濡玉体暑不近天肌表飾
遵尼父恩榮被拾遺中宮同儉德無媿葛覃詩

淵源堂十二詩

淵源堂

像貌崇賢聖名言訓子孫日親師與友力學探淵源

細論堂

不飲紅裙酒祇將文字論江東渭北客日日對芳尊

宜桂軒

主人端不俗景物亦相宜手種軒前桂聯芳共幾枝

蘊秀軒

剡溪蘊秀異久鬱少陵詩今向軒前看人如晉宋時

同襟館

安道家何處溪山深更深扁舟不憚遠得訪同襟

富學齋

金玉本非富詩書元不貧平生無盡學問在吾身

輝声齋

功名就烜赫遺訓可能忘待獻明光賦蜚声滿四方

集彥齋

獨學恐孤陋要須親友朋虛齋集邵彥共對短檠

擢秀齋

好似東山謝淵庭芝與蘭義方能不倦擢秀固非難



P4

恢義齋

憶昔杜陵老恨無千萬間君能恢大義吾黨悉歡顏

蘭馨室

一室雖方丈游從必舜徒芬馨不自覺身化與之俱

足經池

堂上論文客異時還索居池中經魚足好寄別家書

書院雜詠

牡丹

今古幾池館人人栽牡丹主翁兼種德要與子孫看

芍藥

已過花王候纔聞近侍香來遊禁酒地免作退之狂

千葉紅桃

在處飄紅雨臨窓照夕陽何時清禁裏一笑伴仙郎

千葉白桃

豈有天桃艷淡然群卉中全身是清白那肯媚春風

佛見笑

學得醄醄白更能相繼芳金仙粲然笑鼻觀不多香

荷花

十里西湖上紅雲照綠波何如吾淨友臭味不須多

蓼花

秋色在何許蓼花含淺紅客情禁不得歸興逐西風

萱花

有客看萱草終身悔遠游向人空自綠無復解忘憂

斑竹

蒼梧巡不返斑竹至今存今日稽山下幾枝忠孝痕

燕竹

問訊東牆竹佳名今始知龍孫初迸日燕子却來時

西河柳

蒲洒西河種誰移向浙東青枝太纖細莫近楚王宮

葡萄

珠帳臨簷掛龍鬚滿架抽也知堪釀酒不要博涼州

芭蕉

草木一般雨芭蕉吉獨多主人裁未足其奈客愁何

石菖蒲

天上玉衡散結根泉石間要湏生九節長為駐紅顏

慎火草

禁殿安蚩尾騷人逐畢方何如栽此草有火自能妨

盆中新荷

首夏盤池裏新荷點數圓主人行中選故為作青錢

假山

君有好山癖疊山亭院間不遶山外眼又得見真山

盆池

不比兒童戲埋盆作小池要令盆底水長滿不傾歌

書架

君富端不俗有錢長買書家藏三萬軸不怕腹空虛

鶴

雅志在冲霄長思振羽毛風前忽相和聲徹九天高

鶴

善鳴聊自造不願遇知音深恐山陰姬子心君子心

花鴨

毛羽不多異浪於花得名深疑杜陵詩黑白未分明

鷓鴣

文采真為累飛鳴不自由小池新水漲相對謾沉浮

剡溪雜詠

千古剡溪水無窮名利舟閒乘雪中興惟有一王猷

千古剡溪水無窮名利舟閒乘雪中興惟有一王猷

了溪

禹迹始盡口禹功終了溪餘糧散幽谷歸去錫玄圭

挾溪亭

遠水從台發同歸古嵒州魏亭壓山頂千古挾雙流

龍宮碑

曾到龍宮寺拂塵觀古碑何時無短李肉張可能知

戴顓墓

曠野冢累累子孫猶不知千年戴顓墓三字道旁碑

阮仙翁宅

再入山中去烟霞鎖翠微故鄉遺宅在何日更來歸

戴溪亭

剡水照人碧剡山隱翠青我來非雪興慙上戴溪亭

偃公泉

泉自何時有得名從偃公誰能繼張陸為戴水經中

書院掛額展楚雅會也戲集諸堂軒齋名作詩

賢館名初掛銀鈎勢欲翻人才蘊秀異學業扣淵源俊

彥方群集文章可細論輝聲邁前輩擢秀藹諸孫心友

居蘭室天香滿桂軒茲為學者富難與俗流言坂義高

風倡同襟舊好敦池中神鯉足一一上龍門

別周德遠諸友

山城過疎雨客館生新秋鄉心雜病思浩蕩不可留意

昨初來時園花弄春柔俯仰節變木杪風颼颼旅食百
日餘故人情已周論文有深味惜別添牢愁槐花物色
老琴書散交游暖律回南棹相期泛仙舟

宿石佛

七月二十三日回自剡中宿石佛摩雲閣時與謝圖

南童文卿沈齊卿黃庭甫子揚同行周德遠德貽德

廣陳少曾史岩起携且錢別

脩徑入幽壑梵宮摩碧霄仰頭驚突兀跬步怯苔堯寶

相石間湧鍾聲雲外飄明朝路南北身世各塵囂

白若遇水以小舟從石門渡勢危甚因書數語

示圖南文卿時八月二日也

歸途阻秋潦溪漲不可涉近從石門渡未見心已怯杜
弋龍伯宮幽據鴈山脇岩如峙城壁南北本相接衆流
欲朝宗天為開炭業泓澄潭百尺詭碗舟一葉吾生何
自輕內顧無可挾所賴二友生千里同負笈忠信儻可
仗免作飛鳥帖來歸從剡溪山水頗涉獵石齧天台舟
浪拍臨海楫可曾如此境令我魂震懾連年作行客川
塗但取捷不因風雨暴誰暇遠步矚茲渡雖云惡觀覽
意亦愜謾賦石門篇添入剡游篋

孟甲生日

記汝初生際燈花達旦然門闌增喜慶翁媪最矜憐已
過周天歲行臨志學年勉修愚魯質詩禮稱家傳

孟甲孟乙好蓄古錢因示以詩

世人多好錢今汝獨好古書中閱平準壁上按圖譜廣
拾漢五銖遠及周九府惜哉生我家此物罕曾覩百中
時得一喜笑見眉宇所蓄雖不多其志頗可取問閭富
家子繞床堆阿堵一字不識丁碌碌何足數更宜移此
力典墳讀三五縱未到聖賢定可過乃父

周光宗贈螭房報以溪蓐

珠嶼螭房魁海錯左原蓐綠冠溪毛韓公南食可曾見
張翰東歸徒自高鼎俎珍庖翰肉食江湖佳味屬吾曹
有無相易通家事僮僕往來毋憚勞

劉府君祝詞全之父

歆向說然萃一門過庭詩禮盡公恩奇兒不負義方教
舊治至今遺愛存心境欲明憑貝葉壽歲預卜傍祇園
髯即行燭青藜杖定見榮光達九泉
賤子無天學早鍾記觀先友涕亡從士林方喜榮三桂
丞舍俄驚恻二松剡水淒涼回棹速丹丘慟哭過車凶
登揚門戶勝他族深羨公家有蔡邕

賈府君挽詞 于妻父

麻岩重見麻門翁襟宇渾然太古風負郭良田全種德
起家難弟已收功花間麟冢經年就木杪龜趺指日豐
門婿自慚非李漢鄙文何足狀韓公

陳夫人挽詞 于妻母

偉節聲名蓋一時夫人淑德最相宜便甘布素從高隱
不惜花鈿拯衆飢萱草未乾堂下土楊花已應夢中詩
如今多少王孫餓進食哀憐復有誰謂賈公壽中曾得詩
楊花

納涼偶成

架松却煩暑梳竹來清風頽然七尺軀寄此微涼中高
枕傲有道深杯醉無功山林有餘樂此興誰言同

悼演述二老僧

疊石峯前二老僧相逢一笑見真情社中對酒日初永
林下圍碁秋始清尚擬維摩眠丈室遽驚圓澤厭浮生
通幽亭冷西樓古過客傷心淨淚橫

黃楊

黃楊紀孝義也家有黃楊根一餘百枝葉森然亦之有義者也故作是詩以記之

嘉彼黃楊鬱焉其蒼匪甕而圓匪蓋而張百餘同根森如弟昆千枝共子萬葉其孫惟此黃楊先子所植草木有義先子之德願言我家兄弟子孫如此嘉樹永為義門

梅溪先生文集卷第六

梅溪先生文集卷第七

詩

林下十二子詩并序

梅溪野人既見黜於春官齒髮老矣悟虛名之可厭知林泉之足樂也家之東南隅有井焉泉清而味甘井畔有脩竹數百挺闢小徑以通幽有梅數根欹卧乎竹間兩桂蒼然夾井而植因蒔蘭于竹林之下植昌陽于井旁以增野趣予與賓友杖屨徜徉賦詩飲酒弈碁于其間頗足自適遂命曰林下七子且字竹曰子翳井曰子深梅曰子先桂曰子蒼蘭曰子芳昌陽曰子仙德澤野人為之主故自字曰子野仍賦七詩以寓意壯者考藥

花中之富貴者桃李艷而繁凡紅艷之屬俱非林下客也皆不取予既醉而卧夢有五人來謁自稱黃公丁公柳先生三徑居士三槐公于予延之坐黃公乃前曰聞主人有林下之游與六子為友襲之以名字鑿之以詩章亦一時之雅致也某雖不才然封植于君家久矣獨不與意選何耶予曰予非敢忘公也然所取者皆并竹間諸公所居差遠予與客游林下而公不在眼故不與焉爾黃公慨然曰主人欲隔籬牆分休故耶予媿其言詩以嘉客處之丁公踵進曰主人昔有幽居三詠某與黃公竹生與焉今竹生首與林下選黃公亦辱千金之譜矣主人苟未忘壁上語願以某處坐客之末可乎

言未畢柳先生三人俱進皆有請焉予悉從之既覺而思此必吾家黃楊丁香槐柳菊也予不可食夢中言遂字黃楊曰子嘉丁香曰子素柳曰子春菊曰子夏菊曰子秀復賦五詩以贈之通前九十二字為詩甲戌孟夏也

竹子脩

萬木蕭疎怯歲寒子脩相見喜平安世間寧有揚州鶴休訝平生肉食難

井子深

度量泓：井子深客來車轄總能沉定須再築新亭覆不負先君好事心先人昔曾以亭覆井日日長新

梅子先

竹外溪頭手自栽，群芳推讓子先開。
好將正味調金鼎，莫似櫻桃太不才。

桂子蒼

學仙深愧似吳郎，頗有吾廬兩子蒼。
疑是廣寒宮裡種，一秋三度送天香。

蘭子芳

團香入鼻忽揚揚，知是先風泛子芳。
林下自全幽靜樂，縱無人採亦何傷。

昌陽子仙

天上星郎字子仙，結根拳石傍清泉。
稀苓方入鑿師手，誰識仙姿解引年。

黃子嘉

保綠軒前黃子嘉，非松非栢亦非花。
故應喚作思人樹，數十年前閱我家。

丁子素

雨底含愁雪裏芳，琉璃葉映小何郎。
世人競重熏籠錦，子素何曾怯瑞香。

柳子春

夾道青青柳子春，自從栽植幾番新。
如今已作參天樹，應笑哀遲老主人。

槐子夏

方苦炎炎畏日長，欣蒙子夏惠清涼。
三槐雅是王家物

為榜新亭擬舊堂

菊子秀

子秀霜中色更嘉金錢粲滿庭堦淵明異日開三徑
端仗茲花尉老懷

王子野

場屋虛名且罷休歸來聊效晉人游林間諸子總非俗
肯與野人為友不

昌齡闢園植花索詩於老者戲作數語兼簡

夢齡

東園小小花木稀西園廓廓規模奇西園主人但置酒
東園老人甘賦詩朝游西園飲千斛莫向東園吟百幅

更約南園好事入酒盞詩篇日相續

西園新闢昌齡索詩予以其未開尊也戲作數
語既飲復用前韻

阿連好事由來稀開軒闢圃幽更奇峯峦羅列富遐覽
氣象收拾歸新詩百拱琅玕花數斛宛似輞川圖一幅
朝莫過從有弟兄長願歌聲無斷續

予與二弟連日賦詩飲酒詩成命二子書之亦
居家之一樂也復用前韻

不愁地闢車馬稀自喜兄弟俱好奇阿連舉觴勸我酒
阿買研墨書翁詩長泛鄭生缸百斛日賦鄴侯三四幅
何用身封萬戶侯但願青箱有人續

昌齡和詩以不得志於賢闕有欲退隱之語復用前韻勉其涵養俟時未可真作休之計也
出門休艱知已稀開卷攬取前人奇西園松菊聊笑傲
未可遽賦休詩涵養胸襟容萬斛仰視青天益盈幅
行看富貴來逼人江左家聲子當續

昌齡頻開尊再用前韻

人生常患如意稀利名擾之何足奇誰能如我惠連弟
有園有酒兼能詩種秫而疇都幾斛時見小童馳片幅
風軒洒掃又相呼適有嘉魚饋羊續

用前韻題東園

吾園小之遊人稀吾腹便之空自奇徑草青之可煎飲

雨竹涓涓堪賦詩鮮鮮菊滿東籬斛揚揚蘭入騷人幅
牡丹芍藥紫微梅四時花卉開相續

賈元識和詩酬以前韻

河東丈人年及稀精神矍鑠心瑰奇新來移居向山谷
一尊時得同論詩酒量汪汪可勝斛醉後揮毫動盈幅
新詩踈越似朱弦不才何用煎膠續

次韻昌齡西園即事

世態蠅營已厭驅小園初闢稱幽居杯深轉覺利名薄
心靜更宜花木疎窓几吟餘山色好軒齋夢覺日華奇
尤憐不棄東園老時復相從辨魯魚

東園小閣丹粉一新昌齡有詩次韻

小園小閣無奇新但喜有酒堪娛賓西疇種秫可自釀
不用勤買拋青春月明星稀烏擇木吾愛吾廬堪寓目
須知主父五鼎珍不似王猷數竿竹丈夫未遇當安貧
帶經且作鋤園人詩酒過從老兄弟一笑可破雙眉顰
見說西園相繼闢好將因果同栽植子孫清白世相傳
莫同阮氏分南北

夢齡得男老者喜甚湯餅會中出詩以賀

梅溪佳氣夜葱葱果得奇兒應夢熊湯餅笑歡良不淺
桑弧時節稍相同子以十月二十八日
生猶子以二十九日生喜將老眼看猶子首
出新詩賀乃翁從此吾門如謝傳芝蘭玉樹滿庭中
予有書閣僅容膝東有隙地初甚荒蕪偶於暇

日理成小園徑以通之杖藜日涉於其間幾欲
成趣然花木蕭疎不足播之吟詠謾賦十一小
詩以記園中之僅有者時甲戌仲冬也

小小園

預作休休計先開小小園杖藜成日涉得趣與心論

便便閣

一閣僅容膝閉門塵慮捐讀書心已懶高卧腹便便

青青徑

小徑循園闢青青草色都主人猶未仕特得理荒蕪

娟娟林

繞舍種脩竹清風長滿筵天姿本來淨不雨亦娟娟

揚揚晚

九畹何人種光風泛國香林間今幾許鼻觀日揚揚

鮮鮮砌

吾圃豈不富黃金無數錢誰云何用好霜裏白鮮鮮

牡丹

人道此花貴豈宜顏巷栽春風情不世紅紫一般開

芍藥

十花稱近客千葉重維揚世上無姚魏還他霸衆芳

早梅

北陸寒未半南枝春已回方於雪中種便向雪中開

雙竹

本是一根出相期同化龍慎毋輕剪伐雲路定相從

紫微花

俗名滿堂紅

盛夏綠遮眼茲花紅滿堂自慚終日對豈是紫微郎

梅花次賈元識韻

南枝昨夜暖先出壓盡群芳獨自開仙客風中飄素袂
玉妃月下試新裁未憑驛使殷勤寄首辱新詩
明日雪晴須共賞為花拚却飲千杯

歲暮雨雪連作稍阻會集賈元識有言次韻

自從春色上孤根淫雨經時步不前
愛日未急去宿潤愁雲依舊蔽青天
溪山咫尺成千里棋酒因循入一年
今夕藍輿定相過尊前行樂興無邊

萬府君挽詞 字德昭子從舅也

東平隱君子當以古人看孝却對群易恩全雁序
如心畫正度勝酒腸寬粲粲三株樹門闌已壯觀
老成嗟不見里巷尚能談衣解因周急替還務激貪
蹄心不愠折翼淚常含曠目應無恨聲名與佛參
吾母昔遊難携孳休舅舡態多朝暮警恩獨始終
與高門出尤蒙長者憐未能成宅相徒有淚如泉

林府君挽詞

我昔遊庠序寅緣識令孫雅知苗裔遠更喜典刑存俗
子猶遷善偷兒最感息佳城明日閉墮淚滿江村
表兄璐挺二道 以山茶一根見贈植于便便

閭前每黑甜餘開窓寓目茗椀不捧精神自清
因成小詩

一枕春眠到日斜夢回喜對小山茶道人贈我歲寒種
不是尋常兒女花

又覓沒利花

沒利名嘉花亦嘉遠從佛國到中華老來耻逐蠅頭利
故向禪房覓此花

二道人以抹利及東山蘭為贈再成一章

西域名花家孤潔東山芳友更清幽遠煩文室維摩詰
分韻小園王子猷入鼻頓除浮利盡同心端與國香伴
從今日請通家好詩往花來卒未休

抹利見佛經名義木究或云沒者無

地謂國此作香利前此作陳利姑而好利之

覓海棠

壽昌文郁師植海棠二根于所居舫齋之旁予偶以
社日訪之發茶既罷開窓賞花時烟雨初霽奇葩正
芳嫣然在軒檻中殊有佳韻越五日作詩寄之且欲
覓一根種于小園中朝夕觀賞庶無忘高人雅致時
給興乙亥

好事高人重海棠兩株分植舫齋旁恰當燕子來時放
更向禪房深處芳道眼想應憐不俗痴人何苦恨無香
梅溪野叟曾經眼欲覓一根栽草堂

郁師贈海棠酬以前韻

珍重高人贈海棠殷勤封植弊廬旁固宜花裏稱名友
已向園中壓衆芳萬樹總含兒女態一根獨帶佛爐香
杜陵應恨未曾識空向成都結草堂

札上人許贈山丹花且云此花三月盡開俟藥
成移去至上巳日以詩索之

人間花木眼曾經未識茲花狀與名丹却青山暮春色
續他紅樹墮時英梅溪野老栽成癖蓮社高人諾不輕
小小園林綠將暗早移芳藥看敷榮

表弟津上人有瑞香抹利戲覓之

瑞香早入江南夢抹利來從毘舍園久與道人同寂寞
不如來薦孔融尊

覓李仲權碧桃

紅雨紛紛空自繁碧雲一朶勝桃源君家獨有神仙種
分我鬧花深處根

覓李仲達餘醪

名園羽蓋謾童童不似青虬出甕中好事主人仍好施
定移韻友乞小翁

和寶印叔送春二絕

潛澗園林幽更奇送春歸去有新詩風光流轉身長健
又見明年花滿枝

青春不覺去堂堂把酒誰分此日光偶讀高人送春句
味回齒頰有餘香

族兄文通贈山茶

野性無端喜種花吾兄得得贈山茶鶯聲老後移雖晚
四始期鶴頂丹時看始嘉雨葉鱗鱗成小蓋春枝艷艷首
群葩自慚心報無瓊玖來往同看本一家

稅也

兄弟隣里日講率會因書一絕且戒其早納租
屏跡山林頗自安里閭率會有餘歡但須及早輸租稅
不用低顏見長官

萬府君挽詞字叔永庚子登科

前輩風流又之人尚典刑抱才雖泪沒種德自芳馨養
浩眠龍穴流光屬鯉庭鄉評燕賢所欠獨年齡

太學稱多士奇兒占上游賢書連得雋舍選復居優善
教由孤突興家出萬脩板輿游未遂風樹已蕭颯
屈指吾鄉黨如公今幾何門猶畢萬大男類陸終多壯
志埋蒿里幽光發薤歌河梁嗟未就遺恨滿滄波

張廷直挽詞

意氣軒軒蓋一時林頭周易造深幾片芳泮水聲蜚早
花滿河陽迹到稀方外客携因果去道旁人汲義泉歸
柳川池館規模杜一夕花妖世已非

梅溪先生文集卷第七

梅溪先生文集卷第八

詩

左原紀異

樂清之東地名左原中有古井深數丈時冬旱水枯
泉僅盈掬有女子數人提甕而汲綆絕甕墮俄有男
子銳然解衣入井取之既而石陷聲震山谷井深而
石重咸謂墜者必壘粉矣越三日事聞于邑尉周公
以職事來環井而視惻然嗟悼命役夫具畚鍤抉石
取骸將以葬焉自旦逮午猶未及尸俄而役者驚相
告曰井底有聲其鬼物乎公曰此陷者不死須吾以
生於是捐已資募能出之者衆力爭奮頭顱稍露而

語可辨矣土石撼動勢將復壓救者驚潰公乃整衣
焚香叩井而拜命工植板以捍石危而不墮益以籍
錢啗役夫俾踏死以救公未飯吏以進卻之曰必活
人而後食日沒井昏繼之以燭用長繩繫衆視而出
而觀者數百人譁呼震動嗟異其事且以手加額曰
公真仁人也能活人如此某家左原去井所為近獲
終日從公于井旁目擊其事作詩一篇以紀之時紹
興乙亥仲冬四日也公名邵字嘉成婺州永康人
君不見溫公年方髫髻時奮然擊甕活小兒至今遺事
在圖畫活人手段良可奇又不見耿恭昔年困疏勒孤
城鑿井踰千尺整衣一拜精誠通俄頃枯泉飛為液樂

清有地名左原地幽井古知幾年一朝陷溺誰氏子萬
石壓腦沉黃泉路隔幽冥生望絕三宿沉魂豈能活鬼
神莫救功莫施天遣仁人為之出彩捧來臨驅五丁抉
石求屍俄有聲頭顱半露語未辯人疑鬼物相視驚拯
溺辛勤功未果土地石歌紛欲墮爭言陷者不復生救
者徒遭類壓禍梅仙惻然臨井旁焚香再拜祈彼蒼散
金募衆踏死救手植板榦加隄防土石相銜危不倒壑
粉餘生僅能保須臾奪命鬼窟中萬口譁呼喜填道翕
然輿論咸奇公異事行將達帝聰感物誠居耿恭上活
人手與溫公同况公才學俱超絕吏隱那能久淹屈使
君前日飛鸞章莅事詳明已廉潔鯁生棄梓居此間具

書目見非妄傳太史採詩儻見取願付銀筆書青編將見六書特書屢書不止此史筆芬香此其始

法燈俊上人惠杜鵑花

杜鵑嘉樹狀非常久向緇林壓衆芳春去尚疑啼蜀魄客來還錯認丁香謝公同法有高人好事栽蓮社野叟移根植草堂習氣未除端自笑賞花街惠意難忘

法燈聞上人和杜鵑詩酬以前韻

道眼相看頗異常遙々蓮社有遺芳兩篇詩好無蔬氣四季花然帶佛香杖錫何時離竹徑尋山莫惜訪槐堂小園花疏煩題注詩性花來未可忘

孫先覺母夫人正月四日生時年八十 丙子

莫開四莢瑞新春瓦弄幽閨應此辰蛇虺夢中祥女子鳳凰占裏吉佳人平生不負三從義老去兼全五福身他日奇兒亦黃髮捧觴猶得壽慈親

明慶懺院上方地爽而幽蓋精籃之勝也予因會友託迹於其間一日探囊中得石刻詩一本乃王瞻叔國博先生題台人秀野堂也摹寫景物頗類於此因置之壁間意有感觸遂借其韻

二月五日

下惟精舍遠塵繁境靜心清事不閑案上忘機有黃卷眼中得趣是青山林泉欲共高僧老事業未容吾輩閑

準擬他年掛冠後飄然杖履白雲間

懺院種蘭次寶印叔韻

偶向緇林植子芳光風入院泛幽香他時倘免芟鋤患
餘馥猶堪供道場

不放九花染道場故栽芳友伴友郎一盤喜遇高人賞
却勝家園十八香

次濟上人韻

老來未厭短繁光又集青衿就故鄉却荷道人能具眼
不同時輩有他腸心傳潛澗源流別首出新詩意味長
我亦筆頭為佛事未應中國異西方

元鳥至

昆虫方啓户元鳥亦知辰去自盲風候來逢化日春深
條烟雨濕廣厦羽毛新故壘尋遺迹雕梁拂舊塵早鶯
宜結友秋雁不同賓嘉尔能知義無忘舊主人

陳希仲贈山茶

都勝名花入小園群芳無復敢爭妍
童童翠蓋歲春色
艷艷繁燈照雪天青藥似開吾輩眼
高標不染俗流錢
此花端有歲寒意好賦甘棠蔽芾篇

醉醪次賈元節韻

春山杜宇喚人歸
婦見醪醪滿架垂
葉底半開千頰白
髮邊斜插一枝奇
園林綠樹成陰後
亭院青春發老時
把酒對花歌數闋
濡毫更和麻岩詩

覓海松贈僧希月

海石真宜植海松青青不改四時容道人妙得栽培力
乞與書齋待化龍

浴佛無雨

俗言浴佛天必雨今年浴佛天愈晴招提鐘磬集梵侶
世尊塵埃思一清絲然膜拜口誦偈舉頭看天紅日明
或云天意與佛拗與佛拗者天不放雨師龍伯行天雖
不雨佛亦浴誤此億萬蒼生情廟堂何人職調變勸天
與佛無使爭沛然一雨四方足億萬蒼生俱沐浴

喜雨用前韻

去年春夏人苦雨今年春夏人厭晴水枯秧老農務急

沛然膏澤來太清小民易怨亦易喜不知天意常分明
何須頻禱應上公但起夏禹陳五行五風十雨堯舜世
自古天意緣人情今茲一雨荷帝力龍神社鬼無妄多
南畝有餘人意足蠶已三眠更三浴

雨止復用前韻

水枯秧老農欲雨麥黃桑綠蠶欲晴一雨六霽為四
雲收霧掃天還清日暘曰雨豈人力聖德仰荷吾君
廟堂况無瘳宰相不怕泥萍妨牛行布教備耕桑知
鳴鳩呼婦殊有情平原出水雲吐日陰陽得所無
明日陽光照臨足今日陽鳥已先浴

孟夏十有一日時雨初霽農桑高麗無旱四望

烟銷日出氣象一新復用前韻

蝶夢驚回聽殘雨為聲喚起欣初晴
竟宮烟土帝餘靈
黃舍几席生微清
故衣登閣忽四顧
頓覺遠目增
明
無漁款乃霧中出
舟楫蕩漾田間行
清和御物為
霖
即垂暗綠花含情
窓明几淨日漸永
天開地廣陰不
雨
親滄浪堪濯足
遙看扶桑觀日浴

再用前韻勉諸友

薰婦欲晴農欲雨
書生事業無雨晴
况茲長日足可情
薰風入戶精神清
虛窓文字遮眼暗
短檠燈火通宵明
紙為良田力耕獲
一壘稼穡嗤許行
太山北斗仰藉子
千態萬狀窮周情
群居涵養務渾厚
滿堂風雨破銷鋒

拭目天衢驥驥足下祝汙池雀兒浴

頴師贈樵我

自從兒時食火樵
思欲移根向鄉里
年來花木浪經心
品色徒多真戲耳
道人贈我方外根
不比尋常桃與李
枝柯宛類秦大夫
功效端如使君子
殷勤栽植同因果
衆目紛紛等奴婢
他年摘實薦新時
杖屨相從蓮社裏
月上人以拳石植
海松蔣菖陽於四際
蒼空秀色鍾清氣
于几案間以為梅溪之野人
贈無意

詩章因與酬唱九四首

蒼蒼千尺大夫松
不似湖嵌植小龍
枕水一拳形
翠
凌雲三幹色
危茸玉衡星
化姿蕪茂蓮社詩
高席可重

乞與書窓端不惡蕭然如對德人容

處士何須種七松賸栽海上綠髯龍靈根頻灌蒼如王
黛色初抽軟似茸巖水小山形鑿引年昌歆節重畫
道人今得歲寒種一洗梅溪憔悴容

禪杖西游觀萬松歸栽九節伴蒼龍何須偃蓋歲龜甲
自可忘年勝鹿茸蒼老房幽看更好畫公詩險和難重
為師旦旦加澆濯不遣塵埃上綠容

澗毛纖細蔭青松會見成仙與化龍孤嶼兩峯多臭味

海多一莖九節異香茸羨師得句侵澄觀顧我談經

媿叔重明日還家帶滄海園林小小可能容

懺院種紅蕉用寶印叔韻

新植靈根續蕙蘭緇林佳處占清閑深紅應費化工染
濃綠疑從帝所頒正色可曾娛俗眼晚英猶足慰衰顏
它年解組歸三徑多種青青滿故山

題佛閣三絕

佛閣閣人久儒官涉世疎伽藍真長者容我辛辛居
素下不三宿閣中經半年青山滿庭戶雖好莫留連
靈運本狂客偶來蓮社遊鐘魚聽已厭歸去故園休

題郭莊路

南山有井名黃花我卜別業臨其涯酌泉款石思往事
天遺景與名俱嘉東一竹菊隱君子悠然凝望南山餘
茲人高躅已千古三徑蕪沒堪咨嗟我生本抱立壑尚

誤涉塵世爭浮蝸十年太學志未遂歸來隴畝躬耒耜
草莊新築亦不惡青山遠近光交加會須移住劬社老
終賦歸去師陶家新涼入郊九日近西風漸欲吹烏紗
龍山風俗有故事撩我清興凌烟霽

率飲亭二十絕

吾門非北海安得客滿坐有亭名率飲鄰里日相遇
蒼頭稍知耕赤脚頗能釀有田俱種秫我日坐亭上
幽亭闊方丈脩竹種千百有時人不來影月為吾客
富貴有天命安貧士之常聊為真率飲未用利名忙
老去識交情興來懷酒伴山林車馬稀風月盡觴滿
文舉客滿坐淵明酒盈尊雖無古高躅妙意亦常存

文字粗能飲聖賢時復中林間十二子賓主自清風
富飲不鮮文翁意非在酒三盃聊遣興一醉豈緣口
我游醉鄉中常在軟飽後誰備醉鄉記濟我姓名不
吾家數无膏澤有古人風生計何曾足酒盃無日空

右十絕書于左牆以坐 upper 卷常滿樽中酒不
空為韻

我性野而率山林謾求要有酒固可樂無酒亦自寬
亭上可率飲林間宜率吟每於詩酒裏寫我率然心
結交雖不泛絕物亦何曾莫問親疎客過門無不應
交游聚散中身世浮沉裏觀書悟昨非把酒知今是
有酒或無客有客或無酒何時此亭中客酒兩常有

是非何足論詩酒謾消遣但把無它腸聊為在家善
燈火散交游園林寄幽興万事付無心適逢不家歸
心向靜中求身宜閑處著問已幾便便事還名真莫
吾家老兄弟杖屨日相過對酒惟無限論詩未更多
有口但飲酒無餘亦作詩它年宦南北還憶在家時

右十絕書于右牆以寬心應是酒還與真過
詩為韻

橫山運氏妻方奉姑甚謹姑死刻木像事之越
十年不怠郡守張公子韶下車命諸邑訪孝義
予披牒至其家獲觀木像感嘆不已曰書四十
字時紹興丙子七月十四日也

純孝世稀有事亡人所難堪嘉里曾子况有婦丁蘭守
令方尊禮鄉閭競尊觀名將聞帝闕旌表及門闌

登姚真嶺望家山有感

昔年度茲嶺回首念慈親如今望雲處惟有淚沾巾

題驛與張店思周光宗

憶昔同行宿此村重來堪嘆止吾存芙蓉履蕩重經眼
舊事無人與共論

度雁山

雁山五經眼茲行尤可觀初冬天氣佳雁歸山未寒有
日照幽谷無雲翳層巖入境見祥雲祥雲振衣登馬鞍
馬鞍兩龍利發瀑水飛玉龍兩龍利發瀑水飛玉龍兩龍利發瀑水飛玉龍

西湖十里真佳哉，百花未放梅先開。吾儕好事頗成癖，探春不憚衝風埃。李生不出苦病惱，書閣肘後占河魁。膽瓶相對數點雪，錦腸寫出飄然才。人如西湖有涵養，句與和靖爭奇瑰。重尋勝游有新約，湖山準擬詩仙來。寒爐蹲鴟不必煨，為花痛飲拚千盃。願君早晚理杖屨，莫令立馬頭頻回。

送王司業元龜守永嘉

中興天子初龍翔，臨軒策士當維揚。艱難果見異人出，龍虎甲乙俱非常。先生大對過晁董，指切時務言激昂。麟經絕筆二千載，叔拾帝上生光芒。自從曲江到今日，勁氣獨得南方強。權門用事手可炙，中帳亦減平生剛。

先生閉門玩文象，數弄日月潮之陽。帝憂南國命共理，袁連二政俱循良。公道方行正人用，詔起韓愈師虞庠。先生不作進學解，直言慷慨投封章。一麾出守山水群，十行詔墨加恩光。東嘉得賢類京兆，前政有張今有王。前守張張公到官席未煖，猶有遺愛如甘棠。先生况是儒宗師，歛此大惠施一方。入境願問民疾苦，下車宜誅吏奸。賍首延瓊孺，坐賢榻無使揚墨。登門留河內，借恂豈容久。宸衷念賈殊，未忘蘇生摳衣恨。太晚執經未獲時，登堂私心竊喜。父母國聖恩特許，米龍龔黃願同何。堅首率化歸見，潁川鳴鳳凰。

春日游西湖丁丑

山色綠如染湖光青似磨峯高捧日夕波闊浸天多瑞
氣浮城闕春光醉綺羅能將比西子妙句有東坡

梅溪先生文集卷第八

梅溪先生文集卷第九

和韓詩

和秋懷十一首

丁卯季冬赴省試臨安至明年莫春側翅東歸既至
會稽復還太學時方首夏草木敷榮良苗懷新將日
原隰與物助欣至閏八月告歸復尋故道雲水已空
園林初落悽然感觸不能自已是月十有七日言息
其廬定省之暇親戚鄉里日相過從有詩酒之樂忽
然無復得失之在懷也清夜兀坐短檠自照誦韓退
之秋懷詩十有一章欣若有晤因追其韻太山此斗
我實慕之白雪陽春和以巴詞云

孟夏游會稽禾稼方熟。南風熏新苗生意殊未已。重
來覺非久相去百日耳。黃雲萬頃空蕪。涼風起園林
亦搖落。觸目成疑似。似人生過隙駒。何足恃。胡為朱顏向
迷塗。奔走不停軌。得失無榮辱。歸來實堪喜。
草木無利名。時來自榮悴。人生異草木。百念起心地。因
窮斯感傷。利達或驕恣。一朝門物化。榮辱兩何異。有酒
且行樂。不必富與貴。

直道疾伊優。壯懷增靡曼。海上豕方牧。夜中牛屢飯。半
生營一名。偃蹇木如頭。青銅忽自照。白髮已堪歎。斥鷃
適蓬蒿。大鵬搏九萬。物情貴得所。奚用求自獻。富貴似
可喜。貧賤亦何恚。

秋雨漫成涼。秋霜漸為凌。老樹暗寒蟬。腥盤集嘉蟻。天
涯有歸客。面目吁可憎。吟餘得門履。肝膈空發發。此則
不善。漁鱸頭掛寒。曾教綠茅屋。下著此百不能。

秋懷蟲共悲。秋夜鶴同警。柳轉玉繩低。耿耿銀漢未靜
思。鳥鳥寄遐思。蟪蛄在在。聞者。擬并原。翠下。雙鳥倦
當知。遲鳥。失可。云。幸。窮。通。委。天。命。塵。慮。可。深。屏。

客路厭繁暑。場深惟新景。沈吟亭自清。夜明窓夏開。新
樓明月枝。路逐西風。瘦支床。甘自息。伏。離。倦。思。鷓。鴒。有
問。目。心。奉。奉。慕。回。請。

志凡生。新涼燈火照。初暗省。已有昨。非探懷。無宿。藏。古
書。恣。披。翻。古。意。薄。鏡。心。持。遊。寂。冥。語。復。攻。苦。夜。實。數。

名忌浮才疎得德淵守志懷木聖入道恐成習性柳戒
庭賦心猿思繫纜有友頌琢磨無官自校勸磨然學焉
律不恨儲無說

賢則請多士頭角爭軒軒中有倦游客虛名厭馳弄學
為忠與孝思感陽城言高秋賦啼去戲舞庭闈前東園
柳栗熟採摘供盤餐兄弟各賦詩集作探芳編甲乙二
孫子日誦言年十學語三歲時笑味生甜酸欣然動我
懷長夜不成眠歸來有此樂亦可終殘年

吾處有竹竹滿翠窠不乾天風一吹拂終夜鳴琅玕黃
楊亦嘉樹一見何團團日暮飛禽啼秋然欲求安嗟予
欲何為晏步只江關一名竟未就舉彈空飛丸對竹賞

佳樹聊繫予征鞍

商飈起何處古樹生秋聲蕭蕭夜氣寂悠悠月華明兀
兀念前古孜孜殫寸誠默默守孤陋兢兢防滿盈與至
役詩匠愁來驅酒兵自適布衣願未覺青衫榮長鬢與
赤脚亦足供使令

鮮鮮霜中菊誰云晚不好聞日即重陽雖晚亦同蚤對
景便須醉浮生苦難保胡為楚大夫不飲致枯槁何如
醉鄉人雖醉亦有道

和符讀書城南示孟甲孟乙

性無有不善善言聞子與學所以會性揚雄著之書教
知人之生靈甚湛然靈智善本乃身習惡衰厥初下惠

與盜跖不生兩門間所遺一不待補去霄壤如是以吾
夫子詩禮教伯魚當時時義方聖門亦蕭疎我似杜陵
翁有兒最憐渠凌凌愛不知教懼如與猶詎望登丹霄
折桂騎蟾蜍粗令有聞見兒為慶中蛆非角入小學首
誦仲尼居要知先孝弟餘力執乎歟我家素孤寒金玉
苦無儲舊業止青箱辛勤二星餘遺亦以清白爾曹宜
念且性情乃良田學問為耘鋤勿患遠難致跬步馳蹇
驢勿憂年不逢六經有新畬勿隨奔競流伺候人庭除
勿學田舍兒黃金買冠裾在我能自脩不患無聲譽我
久因筆硯退思老山墟拭眼看爾曹庶使慙腸舒詩篇
和韓公座右宜書諸青春寂堪惜勉矣無躊躇

和醉贈張秘書寄萬大年先之申之

戊辰十一月十一日過萬橋是夕會飲先之家同街
杯者四人大年先之申之及予也促席而坐頗有清
歡醉中誦昌黎先生贈張秘書詩人皆勸我酒我若
耳不聞今日到君家呼酒持勸君之句既別遂和韓
韻贈三君子

良友不易得清談苦難聞前夕知何夕我來訪諸君共
對燈燭光芳尊細論文通家忝孔李促席聯機雲杯盞
畧荷禮氣味同清芬一盞洗窮愁三杯話離群春舟會
稽別孟夏別大會稽秋袂錢塘今七月先之婦願我與三友
新當敗孤軍飄零各南北對酒無復醺客况飽牢落時

光負氤氳聚散實堪恨榮枯何足云歸來已三月俗狀
日紛紛幸此同一笑盤飧釘腥葷山薦巨房龜脚烹
脩裙良辰屬嚴冬敗惟無蠅蚊痛飲竟長夜高歌和南
薰雖非韓孟張所飲亦與墳何時脫場屋南畝同耕耘
晝為雞豚社夜策詩酒勳此言宜早踐勿待桑榆暎

和縣齋有懷四十韻

予所居之乘偏有室甚陋目曰陋齋客過而病之曰
子陋矣予曰居九夷而不陋者夫子也予不敢學
居陋巷而能樂者顏回也竊有慕焉楊子雲曰晞顏
之人亦顏之徒孰謂茲室之陋而不足以寄吾樂耶
何病之有既而讀韓公縣齋有懷遂和其韻目曰陋

齋書懷

讀書窺古今掩卷成叱咤唐虞昔垂衣禹稷起躬稼人
材各超絕王業迭興謝典謨光日月雅頌藹蘭麝孟軻
論易地顏回堪並駕窮達雖殊途聖賢實同價避就鄉
隣關泣笑頭成謝甘心惟飲瓢沒齒不談霸斯人嗟已
亡未俗遂多詐祿從枉道求氣為權門下爭為邑犬吠
翻取獵師罵幽人思隱盤高士放耕瀟予生苦多難安
跡殊未暇冬行轍兩足夜坐痺雙鬢黃卷徒自勞青雲
未能跨借勢乏王公成若無僕射大學履塵墮親闈殊
膾炙春春日懷歸區區每求假飛同鷓過宋闕若馬歸
華陋巷懷哲人短策處守夜對床有兄弟遍家足烟煙

談笑開芳尊塵勞釋任乾篇章日盈囊卷秩時抽架
歌同舞雩歎息殊觀靖有田聊代祿無請不祈教未為
雄草玄謾學愈直辨清微窮朝慮然欲歌達冬夏翼角
自藏齒牙誰肯借眠從身子朝時不金吾怕心知得失
妄眼見炎涼乍造物豈吾苦交情勿渠訝馬來未為福
火盡安足藉孝弟儻自脩長幼必能化力耕西疇未判
種東臯柘旨甘奉盤飧溫清歸臺榭斗粟鑿漢謔一爨
共崔舍仰効慈烏哺俯笑寒鷓鴣但令尊不空莫厭客
頻迂風篁觀掩冉山禽聽嬌姪困窮乃吾幸此禍不須
塚

和桃源圖

世有圖畫桃源者皆以為僊也故退之桃源圖詩詆
其說為妄及觀陶淵明所作桃花源誌乃謂先世避
秦至此則知漁人所遇乃其子孫非始入山者能長
生不死與劉阮天台之事異焉東坡和陶詩嘗序而
辨之矣故予按陶誌以和韓詩聊証世俗之謬云
嬴秦斬新開混茫傲睨前古無虞唐詩書為及儒鬼哭
李斯秉筆中書堂長城丁壯無還者送徒更住驪山下
避世高人何所之出門永與家鄉辭入山惟恐不深遠
豈是得已東於斯來時六合為秦室未省今為何歲日
吏不到門租不輸子長丁不更何郎春入山中桃自花
招邀隱侶傾流霞男耕女織自婚嫁派別支分都養家

誰泛漁舟迷處所山開海闊隔人語乍相驚問宰相
設酒烹鷄講賓主可憐秦事已茫然帝業初期萬萬年
猶道祖龍長在世豈知異姓早三傳鄰里幾幾爭
人情與世無相異未信壺中別有天却訝身游異
山花亂眼鳥哀鳴數日留連喜復驚更從洞口尋
達人欲話疑非情異日扁舟欲重顧水暖山迷紅日暮
後來圖畫了非真作誌辨明乃晉人

和永貞行

予自少喜讀柳文而不忍觀其傳惜其名齊韓愈而
黨陷叔文也退之與柳善及作順宗實錄未嘗假借
公議之不可屈也如此茂長仲冬二十有二夜讀韓

詩永貞行至于嘗同僚情可勝之句則知退之雖惡
任文亦未能忘情於劉柳輩也予既追和其類遂於
入司馬中獨詳及柳益惜其人而深責之耳

君不見天為元和開號令先遣儉人竊朝初奉天舞平
閑虎豹奔客待詔來京師口中班班錄語道正觀開元
何足為黨與紛紛自標置遠借伊周供後魏皇庶附火
皆美官怨脩睦既曾不難梯媒爵位由貨賂斥逐朝士
因在盛珣瑜卧第郵佐黑詐為唐室田在瀟湘奪利權
未為怪莫奪兵柄可象尤仙李曙探未言三十三年
那容干禁中大義知事主東宮受禪周三祖越見事
吳兒悲從此豺狼不生利剛明天子位初登事除元惡

流凶朋八州司馬才可壽節已掃地誰復於子厚年少
躁飛騰身陷醜黨罪重著文獻駭然思矣故自辨白
終莫曾王孫尸蟲託焉情色豈不魂明志燈所記先友
時良肱忍使柳氏家聲扇吁嗟匪人何足患士勿妄進
當戰兢退之鯁直憤不勝詩篇史筆兩可徵永貞履歷
宜痛懲

和短燈檠歌寄劉長方

戊辰仲冬二十有三夜坐六行堂對短燈檠誦昌黎
詩三復興嘆既而思友人劉長方昔作燈檠有空洞
其腹直方具形室焉斯通晦焉斯明之句良有味也
僕自念與劉君游二十載矣平日偃蹇之迹大畧相

似去秋同與上庠薦劉遂登乙科僕拜賜而還因蹟
如舊遊和韓公短檠歌以寄之

我與君游最久長短檠夜夜分清光初從鄉校共牢落
晚入太學同凄涼眼看兒輩盡騰踏尚磨鉄視穿藜林
君今已作青雲客萬言曾射天庭策藍袍歸拜七十翁
壽酒十分傾太白嗟予偃蹇只如前日高空作盧仝眠
樂事已輸君自恣銀燭滿燒環翡翠直道空腹舊時燈
牆角未應容易棄

和苦寒

義和錯冬令寒燠常相兼在人為不常時為作貪廉玄
冥當用事如忌還如讓宜寒燥不暄群萌誤抽尖既煖

俄吹冷夜寐黑不甜水行失其理厥疾不可移前日當
孟冬雷聲震銅鑪三日驟大雪飛花眩視塊達此始
月萎變寒與炎晨起坐東窗陽光快思雷霜畦秀蔬
欣焉自腰鑣頃刻變凜冽枯藤怯提括齒牙戰霜風
舌疑銜藉架抽絳披翻華能正牙薑酒在覺無力
勞頻添貂裘尚不暖无無或衣嫌兀坐擁黃紬
龜潛氣血栗肌體涕漉水鬚鼻紅爐熾薪炭旋覺寒
塵靜思天壤間萬類何繁纖路傍泣凍餒海角愁
羽毛有不庇腥血有不燭豈堪當此時可以吾身占
懃語妻子女復勿多怨嫌破被尚禁絮滿茅可添
生苟知足處此意亦恬但願王化行東西俱被漸堯天

日舒長有目皆可瞻寒生在陋巷甘心事葢鹽何須傍
人門炙手隨燕愉耽耽王侯宅笙歌下珠簾寒暑止温
涼焉知有窮簷否泰迭往來禍福相依黏勿用倚被玉
自多安吾兼飽腹日三飯蔽形衣一襜祁寒勿怨咨庶
用德無厭

和南食

萬先之送巨鱸百房大破鏡正魚豎間記憶前日
作東平客飲啖滋味先之舉運之南食詩藥相黏為
山千百各自生之句僕方遠亦藉詩遂用其韻以謝
海錯于萬族惟鱸不能行朝來底自飽亦足遂厭生翻
笑魚鱗蝦晨夜何管管風味與江蟪可以次第名薦身

炮炙間穀破材始呈北客昔南食一見生怪驚故人居
海濱群鮮厭庖烹醯醢此味真不假薑桂橙遙憐山間
友混迹黎與駢羨勝久不飽肌膚且瘠巨房鉤鏡腹
一笑百念平豈為飲食欲實見親舊情誰知麩鹽餘盤
香味常并故鄉實堪戀未用圖西行

和聽穎師琴

黃巖施生携書來梅溪從吾弟夢齡游以裏糧餘資
易琴一張講習之暇時一弄焉季冬之朔燈火初夜
風靜籟息明星燦然坐南窓之下為予撫之予素不
曉音律妄意古人琴中之趣欣若有得聽終遂歸陋
齋誦退之聽穎師琴詩掩卷慨然予既嘉施生雅尚

遜和其韻以贈

七絃自相語唱予仍和汝千指忽淒涼騷人悲戰場大
絃溫和小清越惠風爽韻參悠揚琴瑟鳴寒泉儀儀舞
鸞鳳山高水遠聰愈淡花奴羯鼓聲方殫施生幽雅士
不好笙與篳千金買焦尾悠然坐黎林顧我非知音感
激涕自滂三聽輒三嘆義皇在我壑鹽腸

和憶昨行示夢齡

夢齡弟近感微恙情緒常若不佳予懼其憂鬱傷和
也因誦退之和張十一憶昨行云無妄之災勿棄喜
一善自足雖十災頭輕目朗肌膚健古創新斷塵磨
埃殃消禍散百福併從此直到耆與鄰之句以慰其

依既以又和以贈之

憶昔昨少年氣銳心未灰平明出門薄暮迴解衣換酒
期必醉亂花壓面軟條枚年華在暮今年世觸事往往
主悲哀歡娛無復少年味勉強談笑陪尊罍飲燒過量
醉成疾秋霜入鬢剛腸推子年少我氣鼎盛琅玕夜誦
聲如雷胸中平時足蘊藉願神養素成嬰孩松姿柏質
異蕭柳堅剛不怕霜霰灌凌雲變化未可料豈比喫坑
風中旄胡為鬱鬱乃如許與我老者同虺隤豈緣心事
未如頭一念遂覺憂愁來還驚世態多險阻忤意未免
生瘡猜壯懷千里力未致齟齬翻額三足能傷和伐性
畏次判兩眉處恨憑誰問吾聞君子貴知命數者於我

何有紉又聞古人亦迤蹇在易固有無妄矣閉門靜坐
養時晦拂拭心鏡捐塵埃他年定作仁者壽齒昔會見
同鯁鯁聖賢遺訓載子腹此事寧不知所執否往來
固有日坦塗利藪寧須推

和燕河南府秀才送周光宗

友人周光宗將叅告太學某謂退之燕河南府秀才
詩末章云陰風攪短日冷雨滋不晴勉我戒徒馭家
國遲子榮以祝其行既又和以送之取古人賦詩且
斷章之意云爾

吾皇尚柔理比客來翰平投戈講文藝虞庠萃群英嘉
萬六年間人物如西京菁莪各成材龍虎薈標名東嘉

號多士半作鴻都生昭然藻鑑中不負事業精先達日
通顯天衢作雷轟後生益可畏行藝方斐養賢氣汝南
丈頭角令人驚撐腸飽文史欲振三年鳴鶴聲不如志
造物殊無情歸來務遵養絕意蝸角爭高堂有惡觀樓
養須大烹壯懷不能已千里提短檠掉頭聽塵琴塞
摩太清賤子忝交末平生荷推誠緬懷去年春鷹言共
西征悠悠舊時路君今獨先行江梅弄春色愛日烘
晴勿憚行役苦會見歸來祭

和谷張轍寄曹夢良

某與夢良游十有五載矣栖遲偃蹇之迹初不相異
也茲復同舍上庠交契愈篤曹秋賦暫曠予春闈

飛別已暮面猶未會追念疇昔泮宮之樂鄉校之游
鼓雪棹於金溪振風葛於清遠門之外不無慨然因
誦退之答張徹首章辱贈不知報我歌爾其聆首叙
始識面次言後分形遂和其韻以寄之且速其肯來
也戊辰季冬十六日

故舊別云久話言猶未聆歲暮念愈劇宵長夢形頻憶
昔始傾蓋相看俱妙齡參乎方越席鯉也繞趨庭樂序
共采藻泛江同食萍玄深探義畫在妄窺麟經端筆舞
箕芟未省分雷霆卷帙發晨架膏油燃夜櫺富君才八
斗我字識一字輕縑苦窘幅高屋欽建瓴低頭頽為愈
割席終慙寧結游指寥廓約泛航清吟驥足騁天駿

頭縉海腥塗遠困塵鞅棹迴閣寒汀壯懷誓白水漬氣
干青雲冥孤嶼散形影雙溪隔滄溟耿耿月遙共悠悠
門獨扁論文憶李白對酒懷劉伶鄉校鼓沂瑟頌章賡
魯駟濯暑振風袂破寒操雪舫勝游做粟里雅會脩蘭
亭稅罄沾甕蟻燭殘照囊螢猖狂却大雅酌酉還獨醒
槐市忽飛詔英才先振翎短檠慷慨長劍磨晶受敬舊
耻雪赤壁奇功拔并陞高價壓群王新文麗繁星粲閭
借光豔庠序資儀刑隨群袍暫白唾手衫當青殘生適
孤苦舉足方伶俜文房泣遺澤座右悲先銘犬馬不埒
整鳧鷖卒同汪射鵰服瓊箚種鍾施寸筵惟求免場屋
詎望揚王庭師旋約奏凱業就期脫圖勢屈戰徒力命

奇不文靈秋翼困燕省春苗害蠹頰日念返桑梓願言
和鸞鈴溪山有偕影隱風雨無獨聽懸崖踏蒼翠怪石
穿瓏玲豹閑眠霧窰鳥倦棲雲屏世情自翻覆交態長
芳馨歲時覺荏苒咫尺如飄零盈虧宴瞻桂開落類觀
莫欲去廢負米念來方祝齡何時移子手一笑空吾瓶
注目杏雲雁緘書附原鴈郵客佇滌胃鈍頑寶發劍得
得戒徒馭遲遲趨關廷猶勝炙手輩奔走趨公廳

已巳元日讀送楊郎中賀正詩因和其韻

鷄日五更鷄呷屋銀缸明滅燒餘脂家家手牛邊耗鬼
牛歸誰家鬼何之皇都朝會我無與西嚳春事行及期
弟兄成行拜親老猶勝去年身未歸

人日過電山隨行有昌黎集因讀城南臺高詩
遂次韵留別孫先覺

臘去梅已稀陽浮柳初弄北平新將藉東風漸消凍為
人節同住顧我身無用命禽訪親交肩與勞僕從門闌
念久別燈燭忻此共與美酒自斟歡至歌頻迭提壺勸
銜盃蕃藪催除對農耕方迫歸行樂未能兼人生苦難
別俗狀嗟恹德春風桃李花把盞何時重

和李花

梅溪書院有李數株土寒花瘦游人不之賞因讀退
之詩平旦入西園梨花數株若矜夸中有一株李顏
色慘慘以含嗟惻然有感遂和其韵

春風入園林萬卉以艷爭相夸胡為此仙李顏色憔悴
堪咨嗟稜稜瘦樹數點雪半醒半睡風敲斜枯枝膚剝
少生意况有齊癩相孽芽不如免葵及燕麦妍媚春色
搖纖葩下自成蹊直虛語誰肯顧時留香車顧我逢春
少行樂老眼日有文書遮自憐哀颯已如許那更對此
愁人花皇都二月桃李盛朱輪翠蓋方紛拏東君世情
亦太甚十分春在侯門花試吟怨句問蒼昊一種春工
何損加白華秉燭光照夜此樹不屬孤寒家造化無言
意潛告我愛萬物初無差物情稟受苦自異奚有厚薄
施萌芽勸君勿為花致怨怨居易俟命思無邪

和荅柳柳州食蝦蟆

蝦蟇水蟲也不為人害與蟪蛄之類不同然周官蠲
氏掌出去蠹龜以灰洒之則死說者謂蠲與取龜尤
怒鳴聒人耳故去之予竊謂此非周公之用心必後
世傳習之訛而附益其說也退之記其事於詩未免
乎勸矣已已仲夏群居梅溪諸友頗嗜此味丐者爭
捕而致之予懼其殺物滋多和韓詩以戒

蠹魚千萬族一一異狀貌飛潛同一性巨細何必較彼
微水中蠹四足偃而匍自從科蚪初生育在泥淖好鳴
乃其性非故欲宣開蠲氏職洒灰恐非聖人教吾聞人
間世生死同夢覺殺物傷吾仁忍聽聲蟬噪况我儒衣
冠絃誦生鄉校彼亦呼子曰有意欲吾勸堂

蟪蛄呼子

曰故以人為戲 人虫各好生奚用苦相撻退之憚食蛇得得釋

籠罩子厚放鵬鵠仁心亦稍稍胡為於此蟲未盡忘嗜

樂薦祠用鼎穿誅虎豹古人豈妄殺去害除不孝

願出鼓吹駐我寒溪權

讀單子集外

鳴鶴心入地谷秋土吳甲

梅溪先生文集卷第十

詠史詩

伏羲

太古民淳事簡稀聖人牛首號包羲如今四海皆人面
心似山川更漁獵
六畫中含萬象殊洪荒一變遂歸儒河圖不授包犧氏
民到于今日尚塗

神農

民食腥膻鳥獸同那知土穀利無窮後人只祀勾龍棄
誰念艱難起帝功

黃帝

百年功就說乾坤鼎冷湖空跡尚存別有慶源流不盡
皇朝業是神孫

唐堯

仁德如天帝業隆四凶不去付重瞳當時黃屋如傳子
千古那知揖遜風

夏禹

洪流浩浸寰區民雜蛇龍鳥獸居長歎當時微帝力
蒼生今日盡為魚

啓

堯舜與賢真可法夏王傳子若堪疑謳歌自屬吾君子
不是當時禹德衰

少康

虞仍靡艾共輸忠一旅中興復禹功較德宜優漢高帝
知音惟有貴鄉公

桀

大禹辛勤造夏邦子孫何苦事深荒國忘不悟生平罪
翻悔當時不殺湯

成湯

太乙與仁獸網中鳴條一戰遂成功歸來猶自懷惠德
事與唐虞已不同

高宗

須信精誠可動天高宗一夢得真賢濟川不賴良舟楫

安得中興五千年

紂

藥酒為池肉作林深宮長夜恣荒淫何如早散橋倉粟
結取臣民億萬心

周文王

民疾商辛若寇讎三分天下二歸周文王終世全臣節
不念前時羨里囚

武王

八百諸侯會孟津民心天意總歸仁須知不食干戈粟
自有登山采薇人

成王

姬旦推誠相幼冲流言交亂出居東誰云王是中才主
一啓金縢即悟公

宣王

北伐南征萬國臣中興周室賴賢人崧高千古英靈在
何獨當時降雨申

幽王

文武基圖木易且奇憐中葉壞幽王神龍流沫生尤物
赫赫宗周一笑亡

秦始皇

鯨吞六國帝人寰遣使遙尋海上山仙藥未來身已死
鑿輿空載鮑魚還

二世

始皇一怒逐扶蘇天欲亡秦果在胡翻被四方黔首笑
不分鹿馬是誰愚

漢高帝

百戰功成漢業新咸陽置酒問群臣
高起王陵輩豈識龍顏喜用人
伏劍崎嶇起沛豐祗將嫚罵馭英雄
雖然能用三人傑已失商山四老翁

文帝

文帝興王自代來百金不費亦仁哉
後人不務師恭儉萬戶千門幾露臺

武帝

武帝英雄類始皇甘心黷武國幾亡
晚年頗有知人術解把嬰兒付霍光

宣帝

道雜霸王非美事治先刑法少仁恩
蓋楊韓趙猶誅死誰謂當時獄不寬

元帝

德化欲遵周執轍刑名思革漢規模
更生疎斥蕭生義元帝何曾善用儒

光武

大命由來自有真子輿徒號漢家親
須知炎祚中興主

元是南陽謹厚人

鬱鬱葱葱瑞氣浮南陽兵起再興劉將軍大敵非常勇
文叔平生本好柔

明帝

萬乘臨雍事老更橋門億萬會諸生永平天子真儒雅
只恨容人度未宏

章帝

民苦繁苛厭永平科除慘獄慰群情不窮實惠欺君罪
翻被寬柔壞典刑

魏武帝

董呂裘劉電掃空阿瞞獨步騁姦雄豈知權備皆人傑

未肯全將鼎付公

吳大帝

拔刀斫案氣如虹獨倚周郎立雋功一戰果推曹孟德
不妨高枕霸江東

蜀先主

曹公姦黠世無雙元德雄才肯見容誰把荆公資霸業
一朝雲雨起蛟龍

晉宣帝

四朝天子寄安危寡婦孤兒豈忍欺見說五湖扛鼎日
又勝三馬食槽時

晉武帝

早歲膺圖帝業光
晚年何事政多荒
筭來不用平吳好
畢竟吳平速晉亡

元帝

金陵王氣為誰鍾
五馬南浮一化龍
四海民心共晉思
江東何事却從容

宋武帝

宋武英雄世莫加
長驅千里定中華
乘機不據金湯險
自剖乾坤作兩家

齊太祖

天厭金刀水德終
一時人望屬蕭公
能論魏武周文事
獨有區區謝侍中

梁武帝

不法先王治用儒
捨身傾國事浮屠
堪嗟餓病臺城日
曾得空王救死無

簡文帝

青絲白馬渡江來
宮殿酣醺盡委灰
不辭開刃勅諸將
空悲明鏡不安臺

陳武帝

一旦權臣外召君
已知天帝欲興陳
江淮若道無神物
誰報齊兵至壽春

後主

臨春閣上醉流霞
狎客酣歌興未涯
江左半無陳日月

君臣猶聽後庭花

魏道武

大舉南征破弱燕拓開中土冀山川功成若更結修德
自可延年度危年

北齊神武

浮圖入海天已魏鸚鵡與誰運齊鄆下兵與黃蠃死
營中星隕衆驢嘶

齊後主

戮冠食秣鷄開府搖尾承恩大郡君將士焉能死征戰
盍驅爾輩赴三軍

周文帝

傳檄東征賀六渾親迎天子入長安剽殺沙苑千株柳
長使齊軍破膽寒

隋文帝

孽后邪臣造孽端房陵幽閉拖深兔一朝突起宮闈內
方信當時用婦言

煬帝

汴水東流岸柳春龍舟南下錦帆新鳥聲勸酒梅花笑
咲殺隋亡亦似陳

唐太宗

仁義誰云不可行文皇親見治功成德業可惜身先死
豈信人間有太亞

高宗

正觀基圖極盛隆誰將神器付昏童倒持利柄歸房闈
仙李枝柯一剪空

明皇

天寶君臣玩太平梨園弟子奏新聲貴妃一笑天顏喜
不覺見胡塵暗兩京

肅宗

張后宮中巧弄權上皇西內老誰憐杜陵獨念君臣義
長向雲安拜杜鵑

德宗

虜箭前侵陵御溼時君臣相顧不勝悲難平猶自推天命

命盧杞姦邪竟不知

憲宗

叛將連頭就典刑元和功業元成龍半誤信於人翁
禍自丹砂藥裏生

文宗

羣路青青春草多能高無幾時所定禁中未召劉巨唐
受制家奴可奈何

梁太祖

天下人心共惡梁太祖無常處難逃可憐千丈黃河
殺盡清流始滅唐

唐莊宗

十年征戰不辭勞
三天功成意氣豪
自吃身為天子下
焉知禍起郭門高

晉高宗

三帝如審辱已深
那堪到地修我心
國南一階歷歷後
運惠塞：直至今

漢高祖

平氏君臣盡搗遷
晉陽兵起據中原
早知只有三年宗
何似指雞報晉恩

周太祖

出鎮雄蕃勢已危
擁兵乘釁襲京師
誰知一代生靈主
元是雕青郭袍兒

周世宗

高平夾戰破劉旻
北取三關速若神
大業未成天命改
殿前點檢是真人

許由

肥遁箕山不可尋
高名不朽到于今
尚留昔日洗耳水
為洗世人爭兢心

后稷

洪水橫流四海飢
教民稼穡務三時
後王欲識艱難業
讀取豳風七月詩

伊尹

窮居樂道自躬耕
那肯要君用割烹
湯后不加三聘禮

不應改志為蒼生

箕子

諫君不聽念君深被髮佯狂自鼓琴千古共傳箕子操
一時難悟孩童心

比干

諫君不聽盡亡身豈忍求生却害仁不向天庭剖心死
安知心異世間人

伯夷

避紂窮居北海濱歸來端為有仁人武王不聽車前諫
餓死西山志亦伸

太伯

太伯高風不可追鴈行接羽共南蜚莫言斷髮便無用
猶有荆蠻慕義歸

太公

隱迹蟠溪七十餘釣灘清淺鬢蕭疎滿懷諂畧為香餌
只釣文王不釣魚

周公

明堂攝政朝群后四海流言孺子疑何事召公猶不說
丹心惟有鬼神知

召公

鼠牙雀角豈能欺召伯聰明聽不疑南國政成公已去
甘棠長結後人思

齊威公

諸侯九合霸圖成晉宋江黃盡會盟惟有召陵功最直
包茅不貢故來征

晉文公

逆旅栖栖十九年五蛇夾負遂升天却慙不及齊威正
卿相由無管仲賢

宋襄公

小國爭盟禍莫逃託名仁義直徒勞殺人祭鬼寧非忍
猶自臨戎惜二毛

秦穆公

秦穆平生善用兵孟明三敗始功成後人不識兵家勢

異議紛從勝負生

楚莊王

周衰夷狄最跳梁楚入春秋勢更強能用一言存滅國
賢哉猶有一莊王

魯隱公

唐堯授舜由天命太伯奔吳避聖人魯隱効嬖端可笑
遜威不正自己身

威公

菟裘有意身將老社圃無端鬻已萌莫魯由來因羽父
過齊爭奈遇彭生

莊公

先君出會不立還魯弱無白可報寃禰廟豈宜姜氏見
莊同何忍與歸婚

閔公

慶父哀姜產禍芽斷斷魯道可勝嗟武闖難起無人救
季子來歸未足嘉

僖公

僖公能繼伯禽風盛德榆楊魯頌中惟有春秋用三法
不輕一字曲褒公

文公

年

時無閏月那成歲廟有先君豈上賢魯國從來秉周禮
文公何事獨無天

宣公

東門無道敢欺天過市哀姜語可憐和氣致祥垂致異
如公自合大無年

成公

周室孤危若旅人諸侯誰復肯來臣成公不朝是天子
假道京師會伐秦

襄公

侯伯誰修二霸公大夫專政自襄公堂堂魯國車千乘
翻在三家掌握中

昭公

昭公失國寓乾侯方伯無人肯見憂如晉適齊徒取辱

祗緣不用子家謀

定公

春秋疆場事紛然齊魯干戈幾載連若使真儒長見用
來歸何止汶陽田

哀公

諸侯失政倍臣僭中國無君左袵專欲問哀公後來事
春秋書止獲麟年

鄭莊公

天地深恩詎可忘寐生忠孝兩俱已身從何出翻囚母
國是誰封敢射王

齊襄王

諸兒惟薄可曾修敝苟詩包兩國羞何事春秋尤諱惡
祗緣能報祖宗讎

齊頃公

敵國行人詎可輕等閑戲笑禍胎成胥閭竟日知何語
回首齊郊已被兵

鄧祁侯

舅甥杯酒結綢繆豈忍陰懷盜賊謀不聽三臣言亦是
未須深罪鄧祁侯

晉獻公

齒髮衰殘志慮昏諛興婦口可心寒不知尤物能為禍
却為驪姬寢食安

楚靈王

章華臺就國被繇徵會諸侯意氣驕楚靈已離猶不悟
近臣徒為頌祁招

楚懷王

懷王誤與虎狼親身死咸陽一旅人見說國人懷舊德
楚雖三戶亦已秦

吳王夫差

而施未必解已吳祇為諛臣害霸圖早使夫差誅宰嚭
不應糜鹿到姑蘇

越王勾踐

機會由來貴速投姑蘇事與會稽伴謀臣不早麾兵進

嘗膽徒勞二十秋

顏考叔

衣冠肉食謾終之誰解枉羨感悟君顏谷封人雖賤士
却能純孝至今聞

石碣

人情誰忍棄天倫公獨能將義滅親何惜一時誅賊子
不妨千古作純臣

孔父

春秋死難止三人皆欲求仁未得仁節義可書惟孔父
勝如仇牧勝如荀

仇牧

春秋死難止三人皆欲求仁未得仁仇牧捐軀為君父
不如孔氏勝如荀

荀息

春秋死難止三人皆欲求仁未得仁荀息捐軀為私暱
也勝賊子與姦臣

祭仲

廢子雖賢寧奪嫡人臣惟聖可行權區：祭仲何為者
賣國容身豈足賢

管仲

小節區：豈足羞功名未顯分纍囚平生自有真知已
寧患威公怨射鉤

大夫種

狩罷吳郊鳥兔空果烹獵犬廢良弓大夫自為知幾晚
豈是陶朱計不忠

范蠡

久與君王共苦辛功成身退肯逡巡五湖渺渺烟波闊
誰是扁舟第二人

李廣

李廣才名漢世稀孝文猶自未深知輟殮長歎無顏效
翻惜將軍不遇時
隴右英豪真有種將軍才氣更無雙功高不得封侯賞
祇為當時殺已降

婁師德

忤意由來勿校難誰能唾面自令乾直須事過心平後
方服婁公度量寬

狄仁傑

武火方炎李欲灰忠良何力可能回斗南人有擎天手
為向虞淵取日來

徐有功

獄興羅織陷忠良公亦幾遭虎口傷蹈死救人免死
論功何止漢于張

梅溪先生文集卷第十

